



19. august 2022

EM 2022/73

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nakorsat kigutillu nakorsai kalaaliusut sooq ilinniagartik arlalitsigut nunatsinni atornagu nunattali avataani atortarneraat kvalitativiusumik misissorneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut

(Inatsisartunut Ilaasortaqaq Anna Wangenheim, Demokraatit)

Tungavilersuut

Nunatsinni nakorsat kigutillu nakorsaat amigaatigineqangaatsiarput. Tamanna innuttaasut peqqisutsikkut ikiorneqarnissaminut neqerroorfigineqarnissaannut pisinnaatitaaffiit ajornakusoortitsivoq.

Qularutigineqarsinnaangilaq innuttaasoq nakorsamit kigutillu nakorsaaniit ikiorserneqartilluni kalaallisut aammalu kalaallit inooriaasaannut paasinnilluarsinnaasumit isumagineqarunik toqqissisimanerussasut. Taamaattumik politikikkut anguniagaasariaqarpoq nakorsat kigutillu nakorsaat amerlanerpaat kaalaaliussasut. Tamanna tungavigalugu nakorsat kigutillu nakorsaat ilinniagartik nunatta avataani atortarnerat ajornartorsiutaavoq.

§37 tungavigalugu apeqquteqaammi normu 108/22 Naalakkersuisoq akivoq, naatsorsueqqissaartarfik nalunaaruteqarsimasoq, piffissami 2003-miit 2021-mut nakorsaatitut Odontologimullu kandidatit 44-ut naammassisimasut. Taakkunani 23-vit Kalaallit Nunaanni najugaqanngillat¹. Allatut oqaatigalugu affai ilinniagartik nunatta avataani atorpaat. Qularutigineqanngilarlu ilinniarluarsimasut taakku nunatsinni atortuugutsigit iluaqutigerujussuassagalarigut.

Tamatamani Demokraatit isumaqarput nakorsat kigutillu nakorsaat ilinniarsimasut 44-uusut suut tungavigalugit aalajangertarnersut. Angerlarlutik suliarforsimasut nunattalu avataaniiginnartut sammineqassapput.

Demokraatit eqimattani taakkunani 44-ut amerlangitsutut isigaat isumaqarlutalu atilersuinngikkaluarluni qanimut apersornissaanut attavigineqarnissaat ajornanngitsumik suliarineqarsinnaasoq, aalajangerneqarillu paasisaqarfiginerlutigit. Misissuisimanermi illu inernerit ilinniarluarsimasut nunatsinnut uternissaanut orniginarsaanermi politikikkut suliasatsinnut atorneqassapput.

Inernerit aamma branche akimorlugit atorneqarsinnaanissaat ilimagineqarsinnaavoq, nunatsinnut uterluni suliarforsunneq imaluunniit uterusunnginnermut tungavilersuutit assigiisinnaassammata.

Taamatut oqaaseqarlunga Naalakkersuisut partiillu sinnerisa oqaaseqaatissaat qilanaaraakka.

¹ Svar på § 37 spørgsmål nummer 108/22



Pisortanut aningaasatigut allaffissornikkullu kingunissai

§37 naapertorlugu apequteqaat normu 108/22-mi Naalackersuisoq akivoq, misissuinissamut aki eqqoriaruminaatsuusoq.² Naliginnaasumik atorfiliup ukiumut suliarisartagai 500.00 koruunik nalilik nalunaarusiornernut misissuinernullu atorneqartarput. Maannamullu misissuinissamut siunnersuutigineqartoq taakkunaniit annertunerunissaanik takutitsingilaq.

Namminersorlutik inuussutissarsiuteqartunut aningaasatigut allaffissornikkullu kingunissai

Soqanngilaq

Innuttaasunut aningaasatigut allaffissornikkullu kingunissai

Soqanngilaq

² Svar på § 37 spørgsmål nummer 108/22